



Inatsisartunut ilaasortaq
Malik Berthelsen
Siumut

Pineqartoq: Nioqqutissanik eqqussuinermi akitsuutit pillugit Inatsisartut inatsisaanni § 1, imm. 1 – biilit inunnik angallassissutaasartut.

Asasara Malik Berthelsen – qujanaq apeqqutigisarnut.

§ 26, imm. 1 Nioqqutissanik eqqussuinermi akitsuutit pillugit Inatsisartut inatsisaata allangortinneqarneranik Inatsisartut inatsisaanni nr. 10, 11. november 2000-imeersumi atortuulersinneqarpoq, inatsisip nuutinnera ilisimatitsissutitut ilanngunneqarpoq.

Ilanngullugu inatsisip suliarineqaqqaarnerani suliat nuutinneri ilanngunneqarput, taakkunuuna takuneqarsinnaavoq inatsisip saqqummiunneqarneranut atatillugu ajornartorsiuterpiaat illit allaaserisatit isummerfigineqarsimanerat.

Aalajangersakkakut siunertarineqarpoq ilaatigut ajornanginnerulersitsiniarneq biiliuteqareersunut ingerlaavartumik biiliutiminnik taarsersuisinnaaneq, ilaatigullu biiliuteqalerusuttunut nutaanut taamatut inuussutissarsiuteqalersitsinissamut periarfissiineq.

Illuatungaatigut pinngitsoorusunneqarpoq, biiliutillit sukkasuumik biiliutiminnik inuunnaat biiliisut tuniniaanikkut iluanaarnikkut iluaqutissarsisinnaanissaat.

Aammattaaq maluginiarneqarsimavoq illoqarfinni mikisuni / akunnattuni / anginerusunilu kilometerit ingerlaarfiusartut qassiunerisa assigiinngissutaat, taamatullu ajornartorsiut illuatungilerniarlugu, kilometerit ingerlaarfigineqarsimasut, imaluunniit ukiut qaangiuttut qassiuneri naapertorlugit eqqarsaatersuutigineqarpoq akitsuummik atorunnaarsitsineq taamatuttaaq akilerallarneqarsimasunik annikillitsineq,

Isumaqatigivakkit, piffissap ilaaniit allamut pissusissamisoorsinnaammat isiginiassallugu inatsisiliorneq aalajangersimasoq sulii siunertarisamisut atuunnersoq, maannakkorpiarli pisumi sulii isumaqarpunga atuuttoq.

Taamaattumik Naalakkersuisunit Akileraartarnermut – Atugarissaarnermullu Isumalioqatigiissitap inaarutaasumik nalunaarusiaa utaqqimaarusunneqarpoq, tamatumalu kingorna tamakkiisumik akileraarutit akitsuutillu pillugit saqqummiussaqlutik, soorunami tassunga ilanngullugit taxa-nut eqqussuinermi akitsuutit.

Ikinngutinnersumik inuulluaqqusillunga

Dato: 26. juli 2010
Postboks 1037
3900 Nuuk
Oq/tel +299 34 50 00
Fax +299 32 46 14
oed@gh.gl
www.nanoq.gl

Palle Christiansen
Aningaasaqarnermut Naalakkersuisoq